

15. april 2016. godine

Misija OEBS-a u Bosni i Hercegovini, u saradnji sa Fakultetom za kriminalistiku, kriminologiju i sigurnosne studije Univerziteta u Sarajevu i u partnerstvu sa Kancelarijom OEBS-a u Albaniji, Misijom OEBS-a u Crnoj Gori, Misijom OEBS-a na Kosovu, Misijom OEBS-a u Skoplju i Misijom OEBS-a u Srbiji sa zadovoljstvom objavljuje:

POZIV ZA DOSTAVLJANJE RADOVA

na temu krivičnih djela počinjenih iz mržnje koji će biti predstavljeni na konferenciji pod nazivom *Krivična djela počinjena iz mržnje u Jugoistočnoj Evropi*, koja će se održati u Sarajevu, u Bosni i Hercegovini, 8. novembra 2016. godine.

Negativne posljedice krivičnih djela počinjenih iz mržnje često se potcjenjuju. Takva djela nisu prijetnja samo fizičkoj sigurnosti pojedinaca, koji su njihova meta, nego i samoj osnovi društva i koheziji svake zajednice. Krivična djela motivisana mržnjom posebno teško pogađaju žrtve i šalju poruku isključivanja i netolerancije cijelim grupama kojima žrtve pripadaju.

Krivična djela počinjena iz mržnje u Jugoistočnoj Evropi imaju mnogo zajedničkih svojstava i sličnih obrazaca, zbog čega ova konferencija i ima regionalni karakter. Na konferenciji će se okupiti regionalni eksperti u ovoj oblasti, s ciljem razmatranja kako pravnih, tako i socioloških aspekata ovih djela, kao i radi podsticanja rasprave o dobrim praksama u rješavanju ovog problema. Poseban naglasak će se staviti na ulogu koju u tome ima krivično-pravni sistem.

Poziv za dostavljanje radova se odnosi na sljedeće teme:

- Odgovor krivično-pravnog sistema na krivična djela počinjena iz mržnje sa posebnim naglaskom na: elemente krivičnog djela počinjenog iz mržnje i krivičnog djela izazivanja mržnje; obuhvaćene zaštićene karakteristike; predrasudu kao pobudu kod izvršenja kvalifikovanog oblika krivičnog djela ili kao otežavajuću okolnost; odnos između krivičnog djela počinjenog iz mržnje i krivičnog djela izazivanja mržnje; primjenu prekršajnog postupka za procesuiranje krivičnih djela počinjenih iz mržnje i izazivanja mržnje; pitanja vezana za kaznenu politiku koja se tiče krivičnih djela počinjenih iz mržnje i izazivanja mržnje; izazove i dobre prakse u sprovođenju istrage i prikupljanju dokaza o krivičnim djelima počinjenim iz mržnje.

- Sociološki aspekti krivičnih djela počinjenih iz mržnje, sa posebnim fokusom na: kriminologiju krivičnih djela počinjenih iz mržnje i izazivanja mržnje; viktimologiju krivičnih djela počinjenih iz mržnje i izazivanja mržnje; odnos između krivičnih djela počinjenih iz mržnje, radikalizacije i nasilnog ekstremizma; prevenciju krivičnih djela počinjenih iz mržnje.

Prednost će imati radovi koji obrađuju ova pitanja iz perspektive najmanje jedne od zemalja Jugoistočne Evrope, a posebno komparativni radovi.

Radovi mogu biti napisani na albanskom, bosanskom, crnogorskom, engleskom, hrvatskom, makedonskom ili srpskom jeziku.

Prijedloge radova i radove će pregledati odbor recenzenata. Izabrane radove će Fakultet za kriminalistiku, kriminologiju i sigurnosne studije Univerziteta u Sarajevu objaviti u zborniku radova nakon konferencije na jezicima originala, kao i na službenim jezicima Bosne i Hercegovine, odnosno na engleskom jeziku.

Troškove učešća odabranih autora na konferenciji će snositi OEBS.

Rokovi za podnošenje prijedloga i radova:

8. maj 2016. godine	Rok za podnošenje prijedloga radova (maksimalno 300 riječi)
8. juni 2016. godine	Obavještenje o odabranim prijedlozima radova
15. avgust 2016. godine	Rok za podnošenje radova (5.000 do 10.000 riječi)
30. septembar 2016. godine	Obavještenje o izabranim radovima

Sva dodatna pitanja, kao i prijedloge radova (**zajedno sa biografijom**) možete poslati na e-mail adresu: SEEHateCrimesConference-BA@osce.org.